

**12 IUNIE**  
**RUGACIUNEA 1**  
**SF. CUVIOSI**  
**VASIAN SI IONA DE LA SOLOVET**

**МОЛИТВА**

О, преподобнии и всечестнии отцы,  
Вассиане и Ионо, угодницы Христовы  
блаженнии и чудотворцы преславнии!  
Постничеством Богу первее угодивше и дела  
благочестно на земли подвизавшесе, яко светила  
светлая по смерти в мире возсиявше,  
просвещающе верных чудес светлостию, вы  
заступницы теплии показаетесь. Многих в  
скорбех и бедах страждущих и погибнути  
имущих здравы сохраните, не послушавших же  
завещания вашего и маловерующих  
отмстительне накажете, и прежде заблуждшей  
жене путевожди бысте, и ослепшему паки  
прозрение даровате. Дерзностне же  
коснувшася целебных мощей ваших внезапно  
отринуте и, расслаблением наказавше,  
помиловате. К сим же и иная преславная  
соделате, и бывше оскудение во обители вашей  
сугубо исполните и донныне неразориму ю

соблюдосте. Молимся убо ныне вам, о  
преблаженнии отцы, услышите моление наше,  
не презрите нас, в бедах и скорбех  
призывающих вас верою, будьте помощницы  
нам скории и покровители. К сим же и  
духовнаго о вас собрания не оставите до конца,  
посещающе е всегда, о преподобнии,  
изобилowaniem всяцем, и молитесь присно о нас  
ко Господу да молитвами вашими грехов  
прощение получим и Царствия Небеснаго  
сподобимся благодатию Его, яко Тому подобает  
всякая слава, честь и поклонение, ныне и  
присно и во веки веков. Аминь.